



**EUSKADIKO GOLF FEDERAZIOAREN HAUTESKUNDE
ARAUDIAREN**

AURKIBIDEA

ATARIKO TITULUA

- 1. artikulua. Helburua**
- 2. artikulua. Deialdia**
- 3. artikulua. Egun baliodunak**
- 4. artikulua. Hauteskunde prozesuaren hedapena**

LEHEN TITULUA

HAUTESKUNDE ORGANOAK

I. kapitulua

Hauteskunde Batzordea

- 5. artikulua. Osaera**
- 6. artikulua. Hautaketa**
- 7. artikulua. Bateriaezintasunak**
- 8. artikulua. Agintaldiaren iraupena**
- 9. artikulua. Funtzioak**
- 10. artikulua. Hauteskunde Batzordearen erabakiak**
- 11. artikulua. Hauteskunde Batzordearen egoitza**
- 12. artikulua. Saiotako aktak**

II. kapitulua

Hauteskunde Mahaia

- 13. artikulua. Osaera**
- 14. artikulua. Hautaketa**
- 15. artikulua. Bateriaezintasunak**
- 16. artikulua. Agintaldiaren iraupena**
- 17. artikulua. Funtzioak**
- 18. artikulua. Hauteskunde Mahaiaren erabakiak**
- 19. artikulua. Saiotako aktak**

BIGARREN TITULUA
GOBERNU ETA ORDEZKARITZA ORGANOAK ETA HORIEN HAUTAKETA

I. kapitulua
Batzar Nagusia

20. artikulua. Batzar Nagusiaren osaera

II. kapitulua
Zuzendaritza Batzordea

21. artikulua. Zuzendaritza Batzordearen osaera

22. artikulua. Bateriaezintasunak

23. artikulua. Hautagarriak

24. artikulua. Hautagaitzak aurkezteko epea

25. artikulua. Hautagaitzak aurkeztea

26. artikulua. Hautagaitzak onartzea

27. artikulua. Kontuhartzaileak

28. artikulua. Hautagaitzarik ez

29. artikulua. Batzar Nagusia

30. artikulua. Bozketa

31. artikulua. Zenbaketa

32. artikulua. Hauteskundeetako emaitzak

33. artikulua. Boto zenbaketaren akta

HIRUGARREN TITULUA
HAUTESKUNDE EGUTEGIA

34. artikulua. Hauteskundeetako mugarriak

35. artikulua. Errekurtsoen ondorioak

LAUGARREN TITULUA
ERREKURTSOEN ARAUBIDEA

36. artikulua. Hauteskunde Batzordearen erabakiak

37. artikulua. Hauteskunde Mahaiaren erabakiak

38. artikulua. Araubide osagarria

ATARIKO TITULUA

1. artikulua. Helburua

1. Erregelamendu honen helburua da Euskadiko Golf Federazioaren hauteskunde prozesua arautzea.

2. artikulua. Deialdia

1. Hauteskundeetara deitzeko, Golf Federazioko lehendakariak kargua utziko du, eta Hauteskunde Batzorderako deia egingo du, hauteskunde prozesua hasteko beharrezkoak diren erabakiak har ditzan.
2. Lehendakariak eta Zuzendaritza Batzordeak jardunean jarraituko dute, harik eta Zuzendaritza Batzorde berria aukeratu arte.

3. artikulua. Egun baliodunak

1. Abuztua ez da balioduntzat hartuko hauteskunde ondorioetarako.
2. Bozketak egiten diren egunetan ez dira kirol proba edo lehiaketa ofizialak egingo hauteskunde prozesua gauzatzen den federazioaren lurraldean.

4. artikulua. Hauteskunde prozesuaren hedapena

1. Hauteskunde Batzordearen betebeharra izango da Euskadiko Golf Federazioko kide guztiek hauteskunde prozesuaren berri nahikoa izan badutela eta dagozkien eskubideak baliatu ahal dituztela bermatzea.
2. Euskadiko Golf Federazioko jarduneko lehendakariak Hauteskunde Batzordearen lana bermatu eta erraztu beharko du, hauteskunde prozesuaren berri emateko orduan.

3. Hauteskunde prozesuaren esparruan hartutako erabakiak Euskadiko Golf Federazioaren webgunean argitaratuko dira.
4. Hauteskunde eroldaren, hauteskunde egutegiaren eta Hauteskunde Araudiaren kopia bidaliko zaio kirol arloan eskumena duen Zuzendaritzari, zabalkunde osagarria izan dezan.

LEHEN TITULUA

HAUTESKUNDE ORGANOAK

I. kapitulua

Hauteskunde Batzordea

5. artikulua. Osaera

1. Euskadiko Golf Federazioko Hauteskunde Batzordea estatutuetan ezarritakoaren arabera aukeratuko da, eta aurreikusita ez badago hiru titularrek eta hiru ordezkok osatuko dute. Pertsona bakarreko organoa izan daiteke, estatutuek baimentzen badute.

6. artikulua. Hautaketa

1. Hauteskunde Batzordea osatuko duten pertsonak eta horien ordezkoak Batzar Nagusiak aukeratuko ditu.

7. artikulua. Bateriaezintasunak

1. Hauteskunde Batzordea osatzeko hautatuak izan diren pertsonak ezin izango dira sartu abian den hauteskunde prozesuko hautagaitzetan.

8. artikulua. Agintaldiaren iraupena

1. Hauteskunde Batzordearen agintaldia 4 urtekoa izango da.

2. Aurreko aldia amaitu aurretik, Batzar Nagusiak Hauteskunde Batzordea kargutik kendu eta beste Hauteskunde Batzorde bat izendatu ahal izango du.
3. Kargua uzten duen Hauteskunde Batzordeak jardunean jarraituko du berria izendatu arte.

9. artikulua. Funtzioak

1. Federazio bakoitzeko Hauteskunde Batzordea izango da hauteskunde prozesua bultzatzeaz eta bere garapen egokia zaintzeaz arduratuko den organoa, eta azken buruan, dagokion hauteskunde prozesua Zuzenbidearekin bat datorrela bermatuko du.
2. Hauteskunde Batzordeak eginkizun hauek izango ditu:
 - a) Hala badagokio, hauteskunde errolda eta hauteskunde egutegia onartzea.
 - b) Aurkeztutako hautagaitzak onartzea, izendatzea eta argitaratzea, edo hala badagokio, batzar nagusiko kide izateko baldintzak betetzen dituzten kirol klub eta elkarteak onartzea, izendatzea eta argitaratzea.
 - c) Hauteskunde Mahaia izendatzea.
 - d) Aurkeztu zaizkion aurkaratze, erreklamazio eta eskaerak eta Hauteskunde Mahaiaren erabakien aurkako errekursoak ebatzea.
 - e) Hauteskunde aginduak interpretatzea eta antzeman daitezkeen arau hutsuneak betetzea.
 - f) Boto txartelen, gutun azalen, hautagaitzetarako inprimakien eta antzeko agirien eredu ofizialak onartzea.
 - g) Hauteskunde ekitaldiak dagokion federazioaren egoitzaz besteko lokaletan egiteko baimena ematea.
 - h) Egiten zaizkion kontsultak ebatzea.
 - i) Dagokion diziplina batzordeari jakinaraztea hauteskunde prozesuarekin lotuta dauden eta diziplinazko arau hauste izan daitezkeen gertaerak.
 - j) Hautagaitza hautetsiak izendatzea.
 - k) Hauteskundearen garapenari zuzenean eragiten dion beste edozein gai.

3. Kirol-klub edo kirol-elkarte bakoitzari dagokion boto haztatua aplikatzea, estatutuetan aurreikusita badago eta bere irizpideari jarraituz.

10. artikulua. Hauteskunde Batzordearen erabakiak

1. Hauteskunde Batzordeak hartutako erabakiak interesdunei jakinaraziko zaizkie, eta indarrean dagoen hauteskunde araudian, federazioko iragarki tauletan eta Euskal Kirol Federazioen Batasuneko webgunean aurreikusitako moduan argitaratuko dira.

11. artikulua. Hauteskunde Batzordearen egoitza

1. Hauteskunde Batzordeak Golf Federazioaren egoitza sozialean izango du egoitza.

12. artikulua. Saiotako aktak

1. Hauteskunde Batzordearen bilkura bakoitzeko akta bat egin beharko da, eta bertaratutako kide guztiek sinatu beharko dute.

II. kapitulua

Hauteskunde Mahaia

13. artikulua. Osaera

1. Euskadiko Golf Federazioko Hauteskunde Mahaia estatutuetan ezarritakoaren arabera aukeratuko da, eta aurreikusita ez badago, hiru titularrek eta hiru ordezkok osatuko dute. Pertsona bakarreko organoa izan daiteke.

14. artikulua. Hautaketa

1. Euskadiko Golf Federazioko Hauteskunde Mahaia osatzen duen pertsona eta ordezkioak Hauteskunde Batzordeak aukeratuko ditu zozketa bidez, hautagaitzarik ez duten hautesleen artean.

15. artikulua. Bateriaezintasunak

1. Hauteskunde Mahaia osatzeko hautatu den pertsonak ezin izango du sartu abian den hauteskunde prozesuko hautagaitzetan.

16. artikulua. Agintaldiaren iraupena

1. Hauteskunde Mahaiaren agintaldia 4 urtekoa izango da.
2. Aurreko aldia amaitu aurretik, Hauteskunde Batzordeak Hauteskunde Mahaia kargutik kendu eta beste Hauteskunde Mahai bat izendatu ahal izango du.
3. Kargua uzten duen Hauteskunde Mahaiak jardunean jarraituko du berria izendatu arte.

17. artikulua. Funtzioak

1. Federazio bakoitzeko Hauteskunde Mahaia da bozketa eta zenbaketa faseak behar bezala garatzen direla zaintzeko ardura duen organoa.
2. Hauteskunde Mahaiak eginkizun hauek izango ditu:
 - a) Bozketa bakoitza behar bezala gauzatzen dela zaintzea, boto emaile bakoitzaren nortasuna eta hautesle izaera egiaztatuz.
 - b) Emandako botoen baliozkotasunari buruz erabakitzea.
 - c) Botoak zenbatzea.
 - d) Bozketekin eta zenbaketarekin lotutako beste edozein gorabehera konpontzea.
3. Hala badagokio, dagokion kirol federazioak aholkularitza juridikoa eman diezaioke Hauteskunde Mahaiari.

18. artikulua. Hauteskunde Mahaiaren erabakiak

1. Hauteskunde Mahaiak hartutako erabakiak interesdunei jakinaraziko zaizkie eta, edozein kasutan, Golf Federazioaren iragarki taulan argitaratuko dira.

19. artikulua. Saiotako aktak

1. Hauteskunde Mahaiaren bilkura bakoitzeko akta bat egin beharko da, eta bertaratutako kide guztiek sinatu beharko dute.

BIGARREN TITULUA

GOBERNU ETA ORDEZKARITZA ORGANOAK ETA HORIEN HAUTAKETA

I. kapitulua

Batzar Nagusia

20. artikulua. Batzar Nagusiaren osaera. Hautesle Errolda

1. **Euskadiko Golf Federazioaren** Batzar Nagusia euskal kirol klub, euskal kirol elkarte eta euskal kirol elkarte anonimo guztiek osatuko dute, baldin eta, Euskal Autonomia Erkidegoko Kirol Erakundearen Erregistroan inskribatuta egonik, berariaz eskatu badute Euskadiko Golf Federazioari atxikitze, eta, era berean, hauteskunde-denboraldian eta aurre-aurreko denboraldian 200 lizentzia izan badituzte (federatuak), eta, gainera, autonomia edo estatu mailako lehiaketa federaturen batean parte hartu edo antolatu badute.
2. Kasu guztietan, hauteskundeak egiteko denboraldi gisa zenbatuko da hauteskunde prozesuari hasiera ematen zaion denboraldia.
3. Hauteskunde Batzordeak ofizioz izendatuko ditu lehen atalean aurreikusitako baldintzak betetzen dituzten euskal kirol klub/kirol elkarte/sozietate anonimoak.

II. kapitulua

Zuzendaritza Batzordea

21. artikulua. Zuzendaritza Batzordearen osaera

1. Euskadiko Golf Federazioko Zuzendaritza Batzordea, gutxienez, bost pertsonak osatuko dute, eta gutxieneko osaera honi erantzun beharko diote:
 - a) Epaile bat
 - b) Kirolari bat
 - c) Teknikari bat
 - d) Kirol klub edo elkarte bat
 - e) Batzordekidetza bat
4. Euskadiko Golf Federazioko Zuzendaritza Batzordea Batzar Nagusiak aukeratu beharko du, zerrenda itxien bidez.
5. Zuzendaritza Batzordea kide kopuru bakoitiz osatu beharko da, lurraldeetan karguagatik lehendakari direnen kopurua kontuan hartuta.
6. Zuzendaritza Batzorderako hautagaiek argi eta garbi identifikatu beharko dituzte kargu hauek:
 - a) Lehendakaria
 - b) Lehendakariordea
 - c) Idazkaria
 - d) Diruzaina

22. artikulua. Bateriaezintasunak

1. Ezin izango da aldi berean Euskadiko Golf Federazioko eta lurralde federazio bateko zuzendari kargua izan, lurralde federazio bateko lehendakaria den pertsonen kasuan izan ezik, karguagatik euskal federazioko Zuzendaritza Batzordeko kide direlako.

23. artikulua. Hautagarriak

1. Hautagai izango dira hemezortzi urtetik gorakoak diren pertsona fisikoak aukeratu ahal izango dira: kirolariak, teknikariak, epaileak, federatuak badira eta hauteskunde - deialdiaren aurreko urtean federatuvak izan badira.
2. Era berean, klubak ere hautagai izan daitezke, pertsona juridiko gisa.

24. artikulua. Hautagaitzak aurkezteko epea

1. Hautagaitzak aurkezteko epea 7 egun naturalekoa izango da, Batzar Nagusiko kideak behin betiko izendatzen direnetik zenbatzen hasita.

25. artikulua. Hautagaitzak aurkeztea

1. Hauteskunde Batzordeak ofizialki onartutako inprimakian egin beharko da, lehen zehaztutako epean.
2. Hauteskunde Batzordeak agintaldien muga betetzen dela egiaztatu beharko du, bestek beste.
3. Hautagaitza horiek kide guztiek sinatuta egon beharko dute.
4. Hautagaitzak ezin izango dira aldatu aurkeztu ondoren.
5. Hautagaitzek ordezkioak identifikatu ahal izango dituzte, aurkezten direnetik izendatzen diren egunera arte gerta daitezkeen bajak betetzeko.
6. Hautagaitzek emakumeen eta gizonen ordezkarietza orekatua izan beharko dute, indarrean dagoen araudiaren arabera.

26. artikulua. Hautagaitzak onartzea

1. Epea amaituta, Hauteskunde Batzordeak 2 egun balioduneko epean ebatziko du ea aurkeztutako hautagaitzak onargarriak diren.
2. Hautagaitzaren batek zuzen daitezkeen akatsak baditu, bi egun balioduneko epean zuzentzeko eskatuko zaio.
3. Hautagaitza bakarra dagoenean ez da bozketa egin beharrik izango, eta Hauteskunde Batzordeak hautagaitza hori izendatuko du irabazle.

27. artikulua. Kontuhartzaileak

1. Hautagaiek boterea eman ahal izango diote edozein pertsonari –adinez nagusi bada eta ahalmen eta eskubide osoa badauka–, hauteskunde ekitaldietan kontuhartzaile gisa ordezkaritza izan dezan.
2. Ahalordea notariotza baten edo kirol federazioko idazkaritzaren aurrean egin beharko da, hauteskunde araudian ezarritako baldintzen arabera.
3. Bozketaren eta zenbaketaren ekitaldia ikustera mugatuko da bere funtzioa, eta hauteskunde ekitaldiaren garapenari buruz egin nahi dituen adierazpenak eta bozketari eta zenbaketari buruzko erreklamazioak dagokion aktan jasotzeko eskubidea izango du.
4. Kontuhartzaileek Hauteskunde Mahaiaren aurrean egiaztatu beharko dute beren izaera, eta horretarako, ahalordea eta Nortasun Agiri Nazionala, pasaporte edo antzeko identifikazio agiria erakutsi beharko dute. Bozketa eta zenbaketa egiten den lokalean egoten utziko die horiei Hauteskunde Mahaiak.

28. artikulua. Hautagaitzarik ez

1. Hautagairik aurkeztu ezean, Hauteskunde Batzordeak hautagaitzak aurkezteko beste epe bat irekiko du.

2. Bigarren epean ere hautagairik aurkezten ez bada, Hauteskunde Batzordeak egoera horren berri emango dio federazioaren jarduneko Lehendakariari, federazioa desegin edo ez erabakitzeke Ezohiko Batzar Nagusirako deia egin dezan.

29. artikulua. Batzar Nagusia

1. Hautagaitzak onartu ondoren, jarduneko lehendakariak Batzar Nagusirako deia egingo du, formalki eratzeko, eta bat baino gehiago baliozkoak badira, hautagaitzak bozkatzeko.
2. Deialdia egin egingo da, hauteskunde egutegian bertan aurreikusita egon arren.

30. artikulua. Bozketa

1. Bozketarako, Hauteskunde Mahaiko Lehendakariak Batzarreko kide bakoitzari deituko dio izenez, aukeratutako hautagaitzaren txartela horretarako gaitutako hauteskontzian uzteko, eta ordezkari bidez bozkatuko du, honela:
2. Botoa sekretua izango da, eta Hauteskunde Batzordeak emandako txartel ofizialaren bidez egingo da. Botoa emateko, nortasuna egiaztatu beharko da, nortasun agiri nazionala, pasaporte, gidabaimena edo identifikatzen duen antzeko beste dokumentu bat aurkeztuta. Pertsona juridikoek erakundeko idazkariak emandako ziurtagiri bat aurkeztuko dute, lehendakariaren oniritziarekin, erakundearen legezko ordezkariak dutela edo bozketetarako ahalordea jaso dutela egiaztatzeke. Boto haztatua dagoenean, eman beharreko boto txartelen kopurua helaraziko die Hauteskunde Batzordeak kirol klubei.
3. Izapide hori beteta, boto emaile bakoitzak boto txartela emango dio Hauteskunde Mahaiari, eta hark dagokion hauteskontzian sartuko du.
4. Batzar Nagusian ez da onartuko botoa eskuordetzea, ezta posta bidezko botoa ere. Kirol klub baten ordezkari den pertsona fisiko batek ezingo du beste kirol klub baten ordezkari izan.

31. artikulua. Zenbaketa

1. Bozketa ekitaldia amaituta, Hauteskunde Mahaiak botoak zenbatuko ditu.
2. Hauteskunde Batzordeak ofizialki onartutako ereduaz bestelako gutun azal edo boto txartelen bidez emandako botoak baliogabeak izango dira, bai eta gutun azalik gabeko boto txarteletan edo hainbat hautagaitzen boto txartel bat baino gehiago dituzten gutun azaletan emandakoak ere. Gutun azalek hautagaitza bereko txartel bat baino gehiago badute, boto baliiodun bakar gisa zenbatuko da.
3. Baliogabeak izango dira, halaber, bertan jasotako izenak aldatuta, gehituta, seinalatuta edo ezabatuta dituzten boto txartelen bidez emandako botoak, edo beste edozein aldaketa izan dutenak.
4. Boto zuritzat joko dira boto txartelik ez duten edo txartel zuriak dituzten gutun azalak.

32. artikulua. Hauteskundeetako emaitzak

1. Boto baliiodunen gehiengo soila lortu duen hautagaitzak irabaziko du.
2. Euskadiko Golf Federazioaren Lehendakaritzan egongo da aukeratu den hautagaitzan bere burua Lehendakaritzarako hautagai gisa identifikatzen duen pertsona.
3. Botoen berdinketa izanez gero, beste bozketa bat egingo da Hauteskunde Batzordeak zehazten duen epearen barruan. Bozketa horretan, boto kopuru bera duten lehen hautagaitzek bakarrik parte hartuko dute.
4. Berdinketak jarraitzen badu, emakumeak buru dituzten hautagaitzak aukeratuko dira. Eta berdinketak jarraitzen badu, Hauteskunde Batzordeak zozketa egingo du berdindutako hautagaien artean, gehienez ere zazpi egun naturaleko epean.

33. artikulua. Boto zenbaketaren akta

1. Bozketa egin ondoren, Hauteskunde Mahaiak zenbaketaren akta idatziko du, Hauteskunde Batzordeari ahalik eta azkarren bidaltzeko, boto txartelekin batera.
2. Hautagaitzetako eta tutoretzako administrazioetako kontuhartzaileek dokumentu horren ziurtagiria lortzeko eskubidea izango dute, hala eskatzen badute.
3. Zenbaketaren emaitzak eta bozketaren gorabeherak biltzen dituen akta jaso ondoren, Hauteskunde Batzordeak bertan jasotako karguen zerrendaren arabera boto gehien jasotzen dituen hautagaitza izendatuko du behin-behinean, beranduenez hurrengo egunean.
4. Hautagaitza irabazleak behin-behinean izendatu, eta aurkeztutako erreklamazioak edo errekursoak ebatzi ondoren, behin betiko izendapena egingo da. Une horretatik aurrera, kargu hautetsiak bere funtzioak bete ahal izango ditu, karguaz jabetzeko egintza formalik egin behar izan gabe.

HIRUGARREN TITULUA

HAUTESKUNDE EGUTEGIA

34. artikulua. Hauteskundeetako mugarriak

1. Hauteskunde egutegia egiteko orduan, honako hauteskunde mugarri hauek hartu beharko dira kontuan:
 - a) Hauteskundearen deialdia
 - b) Batzar Nagusiko kideak izendatzea
 - c) Hautagaitzak aurkeztea
 - d) Hautagaitzak onartzea
 - e) Hautagaitzak zuzentzea
 - f) Bozketa egiteko Batzar Nagusia
 - g) Behin-behineko eta behin betiko emaitzak jakinaraztea
 - h) Hauteskunde organoetan errekursoa jartzeko epeak

35. artikulua. Errekurtsoen ondorioak

1. Errekurtsoek ez dute hauteskunde egutegia bertan behera utziko.
2. Hauteskunde prozedura normaltasunez jarraitzeko errekurtsoak ebaztea bideragarria ez bada, Hauteskunde Batzordeak hauteskunde egutegia egoera horretara egokitzeko ahalmena izango du.

LAUGARREN TITULUA ERREKURTSOEN ARAUBIDEA

36. artikulua. Hauteskunde Batzordearen erabakiak

1. Hauteskunde Batzordeak lehen auzialdian emandako egintzen aurka errekurtsoa aurkeztuko da Hauteskunde Batzordean bertan, bi egun balioduneko epean.
2. Aurreko paragrafoan aurreikusitako epea jakinarazi edo, hala badagokio, argitaratu eta hurrengo egunetik aurrera zenbatuko da.
3. Hauteskunde Batzordeak lau egun balioduneko epean ebatziko ditu jarri zaizkion errekurtsoak. Ebazpenak osorik edo zati batean baietsi edo ezetsiko ditu errekurtsoan aurkeztutako asmoak, edo ez dituela onartzen adieraziko du.
4. Hauteskunde Batzordeak bere aurrean aurkeztutako errekurtsoak ebazteko emandako egintzek federazioaren bidea agortzen dute, eta horien aurka errekurtsoa aurkeztu ahal izango da Kirol Justiziako Euskal Batzordean, zazpi egun balioduneko epean.

37. artikulua. Hauteskunde Mahaiaren erabakiak

1. Hauteskunde Mahaiak hartutako erabakien aurka errekurtsoa aurkeztu ahal izango da Hauteskunde Batzordean, bi egun balioduneko epean.

2. Aurreko paragrafoan aurreikusitako bi egun balioduneko epea jakinarazi edo, hala badagokio, argitaratu eta hurrengo egunetik aurrera zenbatuko da.

3. 38. artikulua. Araubide osagarria

1. Erregelamendu honetan arautzen ez den guztiari Euskadiko Jarduera Fisikoari eta Kirolari buruzko 2/2023 Legean, Euskadiko Kirol Federazioei buruzko 16/2006 Dekretuan eta Jaurlaritzako lehendakariorde lehen eta Kultura eta Hizkuntza Politikako sailburuaren 2024ko urriaren 22ko Aginduan xedatutakoa aplikatuko zaio. Horren bidez, Euskal Autonomia Erkidegoko eta lurraldeetako kirol federazioetan hauteskunde erregelamenduak ezartzeko eta hauteskundeak egiteko irizpideak ezartzen dira. Federazioen estatutuetan xedatutakoa ere aplikatuko da, goragoko mailako arauen aurkakoak ez diren puntu guztie.

Idazkaria

Lehendakaria